

2074 ОНОЙ ПРОВИЗОР БОЛОН ФАРМАЦЕВТНЭРТЭ ХАНДАЛГА

Хүндэтэ манай баримталагшад!

Бидэ, 2024 ондо, Буряад Ороной фармацевтическа албанай 100 жэлэй ойн үедэ хүдэлжэ байһан провизор болон фармацевтнэр гээшэбди. Таанадтаа хэдэн арбаад жэлэй саанаһаа хандажа, манай мэргэжэлтэ ажаябуулгын ашаг туйһын тулада, хүн зоной эгээл шухала үнэтэ зүйл болохо бэеын тамирай элүүр мэндын харууһаламжын ба хамгаалгын түлөө сэбэр сэдхэлэй, һайн хэрэгэй дамжаа барижа байнабди.

Манай хубида олон яһата Оросой Холбоото Уластаа нэрэ хүндэтэй һуури эзэлдэг Буряад Уласаймнай ниигэмэй, эдэй засагай ба мэргэжэлэй һалбариин үндэһэн хубилалтын үе тудда.

Энэ зам ходо нэгэ жэгдэ, бэлэхэн байжа байгаагүй. Бидэ, Буряад Уласай фармацевтическа мэргэжэлтэд, оросой мэргэжэлтэ провизор ба фармацевтнуудай бүлгэмтэй суг хамта дэлхэйн соёлжолой хүгжэлтын үргэн замда гаража, "бү хорло" гэһэн түүхэтэ һургаал заабаритай мэргэжэлтэ ёһо заршам сахиха эрилтэ байгуулжа шадаабди.

Бидэ урда үеынгөө аха заханарһаа гэгээрэлэй ба зохёохы хандасын туг хүлээн абажа, мэргэжэлтэ ажаябуулгая эрхилхэ эдэбхи үүсхэлэй уудам зай гаргаабди.

Тэрэнтэй хамта мэргэжэлтэ зан заншалаа гамтайгаар зандань үлөөжэ, дэлгүүртэ гаргаха шатада хүн зоной элүүр мэндые сахилгы хамгаалха, эрхыень үргэдхэхэ фармацевтическэ үйлэдбэри эмхидхэлгэдэ оролдонобди.

Мүнөө 2024 ондо, Буряад Уласай фармацевтическэ мэргэжэлтэдэй ажабайдалай амин һудал мэдэрхыетнай хүсэнэбди, юундэб гэхэдэ тэдэ мүнөө Оросой ажаүйлэдбэриин болон болбосоролой алдаршанан түб боложо, элүүры хамгаалгада ба соёлдо хүтэлэгшэ байра эзэлдэг.

Энэ зам 1923 ондо Буряад-Монголой Автономито Советскэ Социалистическэ Республикын РСФСРэй бүридэлдэ орожо, Буряад - Монголой арадай элүүр мэндые хамгаалгын комиссаридай байгуулагдаха саһаа эхи табигданан. Тиишээ 240 ороной 12 эмнэлгын газар, 21 эмнэлгын амбулаторитой һалбари, 38 фельдшерскэ пункт, 4 эмэй сан ба эмэй склад ородог байгаа.

1924 ондо гүрэнэй эмнэлгын эд зөөри наймаалха эрхэтэй "Бурмедторг" гэһэн конторо эмхидхэгдэжэ эмээр хангаха лаб найдуулгын системэ бүридхэгдэһэн.

1930д онуудта Буряад-Монголой отделенидэ РСФСРэй эмэй сангай гол хүтэлбэридэ 34 эмэй сан, 2 санитарин ба гигиенын дэлгүүрнүүд, оптическэ цехтэй галеновэ лаборатори, гол эмэй сангай склад, химико-аналитическэ шалгалтын лаборатори ородог байгаа. Тэндэ 23 провизор, 117 провизорой тухалагшад хүдэлдэг һэн.

1970д онуудта болон удаадахи һэльбэн шэнэлэлгын үедэ эмэй сангай албанда Буряад Уласта һэлгэлтэнүүд эхилээ. Өөрөө бээ мүнгөөр ханган хүгжэхэ схемэ зохёогдожо, РПП "Фармация" байгуулагдаа. Эмэй сангай һужаа 97 эмэй санһаа ба уласай эмэй складһаа бүридэдэг болоо. Тэрэ 1993 ондо бээ даһан эмхи боложо, Уласай оптово-снабженческэ эмэй сангай база гэжэ нэрээ һэлгэһэн, удаань 2000 ондо "Бурят-Фармация" гэжэ гүрэнэй үйлэдбэри болоһон.

Мүнөө Буряад Уласта фармацевтическа ажаябуулга 155 худалдаа наймаанай субъектнүүд хэнэ, тэдээн сооһоо 46 олонийтын, 109 субъектнийн ондоо эрхын эмхиин түхэлтэй болоод, 776 эмэй сан болон эмэй сангай пунктнуудые бээ тойруулан нэгэдүүлдэг. Харин холын хүдөө нютагуудта эмэй тухаламжа 404 эмнэлгын эмхидхэлгэнүүд дүүргэдэг.

Фармацевтическэ мэргэжэлтэдэй кадрова бүридэл ехэнхидэ фармацевтнүүдээр түлөөлэгдэнэ. Тэдэнэй бэлэдхэл хоёр медицинскэ колледж хэнэ. 2011 ондо Буряадай гүрэнэй дээдэ һургуулида фармацевтическа таһаг нээгдэжэ, энэ сагта 400 гаран провизорнуудые бэлдэжэ гаргаа.

Тэрэ гэһээр аяар 100 жэл үнгэршэбэ, энэ саг соогоо арюун ниитэ зорилготой орёо ба алдарта зам гаталаа.

Мүнөөшье болотор түүхэтэ "Бурмедторгын" хүлээн абадаг конторо, ГП РБ «Бурят-Фармация» элүүры хамгаалгын ба эмээр хангалгын лаб найдуулагша болоно.

Бидэ энэ туйлалта дээрээ тогтоногүйбди, түрэл орондоо үнэн зүрхэнһөө дуратайгаар хүдэлнэбди, арад зоноо, Буряад Уласайнгаа хүн бүхэниие эм домоор, эм тухай эрдэмтэ заабаринуудаар ханганабди.

Бидэ ходо эрдэмээ дээшлүүлхээ оролдожо, ажалаа хэжэ, таанадайнгаа ажамидарха ерээдүйн һайхан байдал тухай сэдхэнэбди.

Хүндэтэ баримталагшад! Эрхим һайхан ерээдүйн түлөө үнэтэ зүйлтэй эстафетээр мэтэ найдалаа, эрмэлзэлээ дамжуулнабди.

Хүн түрэлтэнэй эрхим үнэн үнэтэ зүйл, дүтынгөө зондо хайра гам, фармацевтицида хабаатай мэргэжэлэй хайхарамжые бээ гамнангүй хамгаалжа түрэл һайхан Буряад Орондоо аша гушанарайнгаа дунда жаргалтай ажасуухат.

Эбтэй эетэй, урагшаа һанаатай ажасуугыт даа! Сэхэ урагшаа хараад алхалжа, омог дүүрэн сэдхэлээр "Бидэ боломоор баримталагшад, провизор мэргэжэлтэдэй томоотой ёһо заншалай үргэлжэлэгшэд гээшэбди!" - гэжэ хэлэхэтнай болтогой! Үхибүүдээ үндылгэгты! Түрэл Буряад Орондоо дуратай байгты, нютагаа хэһэн ажалаараа шэмэглэгты. Бидэ найдамтай залуушуулда эстафетээ дамжуулжа байнабди гэжэ үнэн зүрхэнһөө этигэнэбди!

Буряад Уласай Фармацевтическэ албанай 100 жэлэй ойн баярай байгуулгада зорюулагдаһан фармацевтическэ мэргэжэлтэдэй зүблөөндэ хараада абтаба.
2024 оной июлин 4.